



Sud Bosne i Hercegovine

Суд Босне и Херцеговине

Broj: Su-08-32/21

Datum: 26.02.2021. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05, 60/11 i 25/17) na preporuku Stalne komisije za javne nabavke Suda BiH broj: Su-08-31/21 od 26.02.2021. godine u postupku javne nabavke kompjuterskog materijala (toneri i ketridži) – JRJN 30125110-5 i 30125120-8 donosim

ODLUKU

o izboru najpovoljnijeg ponuđača za nabavku kompjuterskog materijala (toneri i ketridži)

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-31/21 od 26.02.2021. godine, te se Ugovor za javnu nabavku **kompjuterskog materijala (toneri i ketridži)** - oznaka i naziv iz JRJN: 30125110-5 i 30125120-8 (toneri za štampače i fotokopirne mašine) dodjeljuje ponuđaču „**DEFTER**“ d.o.o. Sarajevo, sa sjedištem na adresi Gatačka 20, sa ponudom broj: 18-02-1/21 od 18.02.2021. godine i nakon sprovedene e-aukcije za ponuđenu cijenu u iznosu od **16.500,00 KM** bez PDV-a.

član 2.

Ugovor o nabavci dostaviti će se na potpis izabranom ponuđaču „**DEFTER**“ d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke kompjuterskog materijala broj: Su-08-03/21 od 27.01.2021. godine. Javna nabavka je provedena putem otvorenog postupka broj: Su-08-07/21, a procijenjena vrijednost javne nabavke bez PDV-a je 34.200,00 KM. Obavještenje o nabavci objavljeno je na portalu javnih nabavki pod brojem 243-1-1-1-3-3/21 od 27.01.2021. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke kompjuterskog materijala (toneri i ketridži). Komisija je blagovremeno i pravilno izvršila javno otvaranje ponuda dana 19.02.2021. godine i sačinila Zapisnik o otvaranju ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da je blagovremeno pristiglo šest (6) ponuda („ELKOM“ d.o.o., „DEFTER“ d.o.o., „AERO-EXCLUSIVE“ d.o.o. i „PLAN PLUS“ d.o.o., „PRINTEX“ d.o.o. i „ALF-OM“ d.o.o.) i da nije bilo neblagovremeno zaprimljenih ponuda. Ponude ponuđača „DEFTER“ d.o.o., „PLAN PLUS“ d.o.o., „PRINTEX“ d.o.o. i „ALF-OM“ d.o.o.) su ocijenjene prihvatljivim i u skladu sa tenderskom dokumentacijom.

Ponude ponuđača „ELKOM“ d.o.o. Vitez i „AERO EXCLUSIVE“ d.o.o. Sarajevo ocijenjene su neprihvatljivim jer ponuđači u ponudama nisu dostavili sljedeće izjave tražene tenderskom dokumentacijom;

-Izjava ponuđača u skladu sa tačkom 13.2.1. tenderske dokumentacije da će vršiti isporuku isključivo novih, novoproduzvenih, neiskorištenih, nerepariranih i nerefilovanih tonera, kertridža i ribona;

-Izjava ponuđača u skladu sa tačkom 13.2.1. tenderske dokumentacije da će vršiti isporuku potrošnog materijala koji će u uređajima Ugovornog organa raditi na način da neće uzrokovati smetnje u svakodnevnom radu.

Za ovaj postupak je predviđena elektronska aukcija (e-aukcija). Sve prihvatljive ponude („DEFTER“ d.o.o., „ALF-OM“ d.o.o., „PRINTEX“ d.o.o. i „PLAN PLUS“ d.o.o.) su dana 23.02.2021. godine unesene na web portal javnih nabavki BiH radi zakazivanja e-aukcije.

E-aukcija je zakazana za 25.02.2021. godine sa početkom u 12.00 sati i planiranim završetkom u 12.30 sati. E-aukcija je počela dana 25.02.2021. godine u 12.00 sati a završila je u 13.02 sati. Ponuđači koji su pozvani da učestvuju u e-aukciji su podnosili nove cijene, te je nakon završetka e-aukcije kreiran izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača „DEFTER“ d.o.o. Sarajevo sa ponudnom cijenom od 16.500,00* KM bez PDV-a (*prilikom poređenja ponuda ponuđaču je umanjena cijena za 30% jer je dostavio povrdu o preferencijalnom tretmanu domaćeg izdatu od strane Vanjskotrgovinske komore BiH), drugorangirana je ponuda ponuđača „ALF-OM“ d.o.o. Banja Luka sa ponudnom cijenom od 11.600,00 KM bez PDV-a, trećerangirana je ponuda ponuđača „PRINTEX“ d.o.o. Sarajevo sa ponudnom cijenom od 18.980,00 KM bez PDV-a i četvrtorangirana je ponuda ponuđača „PLAN PLUS“ d.o.o. Zenica sa ponudnom cijenom od 28.590,20 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Nakon okončanja e-aukcije nesporno je da je prvorangirani ponuđač „DEFTER“ d.o.o. Sarajevo izabran primjenjujući kriterij najniže cijene koja je ponuđena u iznosu od **16.500,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

PREDSJEDNIK SUDA
Ranko Debevec



RD

Ovim potvrđujem da je predmetni akt u potpunosti usklađen s važećim zakonskim, podzakonskim i internim aktima na kojima je zasnovan.

Potpis

Ranko Debevec 26.7.21